



藏經書院版

卍
續藏經

第 108 冊

中國撰述

淨土宗著述部

新文豐出版公司
印行

已續藏經。——臺一版。——臺北市：新文豐，[民82
-]

冊；公分

ISBN 957-17-0665-5 (一套：精裝)

—— ISBN 957-17-1220-5 (第一〇八冊：精裝)

1. 藏經

221.08

82000521

所
有



版
權

印發
刷行
所及

新文豐出版

股份
有限公
司

發
行人

高

本

釗

編
輯者

藏

經

書

院

新
編
已續藏經

全一五一冊
第一〇八冊

精裝一冊基價一五·五五元正

中華民國八十四年四月台一版三刷

公司：臺北市雙園街九十六號
電話：三〇六〇七五七·三〇八八六二四
門市部：臺北市羅斯福路一段二十號八樓
電話：三五一五二九三·三四一五二九
台北郵政三六四三信箱
登記證：局版政字第四四九號
郵政劃撥：三五六八〇七六·三〇二三八七〇
傳真：三五六八〇七六·三〇二三八七〇

22090200 (精：一套)

22090308 (精：第一〇八冊)

南無本師釋迦牟尼佛



卍續藏

經第一〇八冊目錄

新文豐出版公司影印卍續藏經會編印

中國撰述 淨土宗著述部

蓮宗寶鑑十卷	元普	度輯	0001
淨土指歸集二卷	明大	佑集	0114
淨土簡要錄一卷	明道	衍編	0199
歸元直指集二卷	明宗	本集	0221
淨土決一卷	明李	贊集	0357
答淨土四十八問一卷	明祿	宏著	0383
淨土疑辯一卷	明祿	宏著	0400
西方願文解一卷	明祿	宏著並釋	0403
西方發願文註一卷	清實	賢註	0408
淨土資糧全集八卷	明株宏校正 明莊廣還輯		0422
西方直指三卷	明一	念編	0617

淨土十要十卷	明成時	評點	0649
西方合論標註十卷	明明教	標註	0932
淨慈要語二卷	明元	賢述	1001

man/03

優曇和尚輯蓮宗寶鑑事實

優曇和尚丹陽蔣氏子家世事佛弱冠出家初參龍華寶山慧禪師師深器之後歷叩諸方述念佛警要目曰蓮宗寶鑑凡十卷天童東岩圓應日禪師深加嘆賞繼開法於京都法王寺灌頂國師捧其書呈進御覽降旨稱美有開導人天續佛慧命融真混俗振復東林之語其他宿德賢士大夫跋讀品題不一而足載之別卷云

延祐改元甲寅孟夏葵之崇勝寺比丘中德記

夫優曇寶鑑者乃廬山普度大師勸修淨土之文也或有於予曰何以寶鑑而名哉予曰將世寶之而鑑其自心者也自心正則清淨渾然本無善惡自心不正則物欲交蔽善惡分矣譬如大海澄清涵空一碧山河大地影現其中又如太虛清明寂照雲霧不存幻翳何有此自心之正也其或境風蕩激識浪漸興昏昧性天合應背覺此自心之不正也是以先賢設教勸人念佛以修淨土者蓋閑其邪而存其誠也況

●已下三章
依明藏本而

吾佛說從是西方過十萬億佛土其土有佛號阿彌陀但能一心稱名卽生其國受諸快樂捨離娑婆其詞切而彰其旨顯而密使夫學者鑑於一念未萌之先豁然洞徹而阿彌陀佛原夫自心非外有也當元至大間優曇宗主憫諸衆生沈迷自性復編是書抑揚宗教今禪人禧文因見此書恐歲之堙沒廼捐衣貲兼募衆緣重繡諸梓以永其傳期祖道重輝宗風益振來徵予言以冠其篇首予翁不獲乃爲之書而讀是書者當言求外之則唯心淨土自性彌陀乃可見矣豈虛言哉

時永正十四年倉龍丙申七月二十八日

僧錄司左善世兼天界善世禪寺住持雪軒道成序

蓮宗寶鑑序

禪淨二門分祖各幟幾同敵國矣慈覺贖禪師有營田開庫之喻各隨所好皆得如心此亦方便和會之談耳二物可會若本非二和會奚爲夫禪有如來禪祖師禪祖師禪且置佛語禪那華言淨慮所謂八禪

八定也念佛三昧曰一心不亂都攝六根淨念相繼

非靜定耶且念佛與唱佛不同唱者口也念者憶也

母憶子子憶母口乎心乎所念之佛旃檀耶闍浮檀

金耶毗首羯磨所作耶應身耶報身耶法身耶過去

佛耶現未佛耶淨土在西方耶舉足下足即道場耶

觀經金口所宣而曰是心作佛是心是佛故觀心即

觀佛也觀佛即念佛也極而言之念本無念佛亦無

佛能念空所念亦空如來禪即祖師禪也故大勢至

念佛無生觀世音反聞自性二菩薩似各一圓通而

同在安養左右彌陀接引東土明乎即淨即禪衆聖

一揆而後來釋子分張門戶譬之祖宗房屋原只一

間而子孫于中墻壁夾斷插籬種棘不相往來其爲

執迷顛倒極矣或難言三聖接引則淨土在西方明

矣得無與自性惟心之旨相矛盾乎余曰彌陀者衆

生之彌陀也衆生者彌陀之衆生也極樂者彌陀之

惟心也惟心者衆生之極樂也故識自性惟心之旨

謂西方有彌陀可謂東土皆彌陀亦可謂法報身是

佛可謂丈六劣應身與毗首羯磨所作是佛亦可謂

◆來疑未

念過去佛可謂念現來一切佛亦可而又何禪淨之分別爲耶蓮宗寶鑑一書乃廬山優曇和尚所集標眞正譌尋香討根實淨土之指南也因爲楞嚴白法師刻而傳之而僭爲之引

紫栢弟子 錢士升 書於放下菴之更雨堂

按經中說西方世界國名極樂其土有佛號阿彌陀巍巍蕩蕩超太古皇不令不申自然而化瓊池金地不染一塵樹林水鳥皆演苦空佛願力故攝彼羣情一念相應即登金臺雖下下品亦胎華蓮雁門尊者社結勝流策勸淨業是以念佛之道唱行於世迨今千年謂之蓮宗也去古已遠法流成弊邪道混淆微旨曖昧由是優曇和尚乘宿願力痛嗟正宗奮眞實心探尋要旨編次本末剖分僞眞定爲十門名曰寶鑑責赴大都咨扣

鬪賓班的答灌頂國師證無叢脞契合佛經乃爲聞奏欽遇

皇上金輪皇帝聖通佛慧道合天心至照無私獎稱

曰善教刊板印行載上書乞復教

上可之頒降

聖旨通行各省洗

佛日重光於

聖世起祖風載振於虎溪策精進而勿荒發闡提而必信悟覺花開於心地顯佛性存於本源咸知極樂之歸悉稟無爲之化明教上

仁宗正宗論息關佛之議於當時優曇獻

皇上寶鑑編復蓮宗之旨於今日雖年代相遠蓋事實相符其名同芳而不萎其功並垂而不朽矣延祐甲寅住大仰山大圓佛鑑禪師傳法沙門

希陵 拜手

夫心性役乎塵勞煩惱而不爲塵勞煩惱之所汨沒如蓮生淤泥而不因淤泥染汚其質故直指之爲蓮也心性通乎三乘諸法而不爲三乘諸法之所凌奪由宗分支派而不因支派忘失其

本故念佛之爲宗也心性虛空含育萬有譬海中四珠出無盡藏故標之爲寶也心性明淨照了色象喻一鏡當臺能辨妍醜故名之爲鑑也優曇和尚浙之丹陽蔣氏家世事佛積善生而敏銳弱冠則厭俗緣投簪薙髮初參龍華寶山慧禪師一見器之誠其歷叩諸老之門琢磨淘汰達心淨土見性彌陀深惜祖道湮微述集念佛警要目之曰蓮宗寶鑑言言破惑井井有條天童東岩圓應日禪師見而證之曰善哉善哉如是如是繼之京都開法於法王禪寺道合灌頂國師捧寶鑑而上奏

金輪與正宗而下頒

玉旨忘軀爲法異世龜鑑開導人天續佛慧命實僧中寶正本齊末統衆歸宗不捨悲願融真混俗示火中蓮振復東林遠公祖師已墜之風于千古之下所謂廬山蓮宗寶鑑者豈徒言哉宿師名德公大人跋讀品題備于卷末後之修淨業者披閱是集洞明佛祖旨趣弘揚斯道垂之

無窮其功詎可比量也耶延祐改元甲寅孟夏
前葵之明智崇勝禪寺比丘大中德合再拜爲
之敘云

廬山東林禪寺白蓮宗善法祖堂勸修淨業臣僧
普度謹自編集蓮宗寶鑑一部發明佛祖念佛三
昧已蒙諸尊宿善知識題跋印證來詣大都禮拜
闕賓國公班的答師父主盟佛法得奉法旨教般
若室利長老賢耶那室利闍羅羅司承於至大元
年十月十一日至隆福宮

今上皇帝潛龍時分月海怯薛第一日親奉蓮宗寶
鑑啓奉

令旨教刊板印行者敬此卽於大都明理不花丞
相應到無量壽法王寺內鏤板已遂畢工所集洪
因端爲祝延

皇帝聖壽萬安

皇太后皇后齋年

太子諸王千秋文武官僚高增祿位皇圖永固

佛日光輝凡曰見聞同成佛道

皇慶壬子正月圓日 優曇普度 謹識

廬山蓮宗寶鑑叙

夫眞法界性生佛平等而無異無同妙覺明心染
淨混融而非一非二然則塵塵淨土他方此界皆
爲極樂之邦念念彌陀蠢動含靈盡是法身之佛
蓋爲情生智隔想變體殊心隨生住異滅之變遷
境有坑坎堆阜之高下所以淨利穢方苦樂有異
衆生諸佛凡聖不同是致六趣茫茫徧九居之
內四生浩浩升沈三界之中從迷入迷由苦入苦
動經塵劫無解脫期故我佛開方便門教以念佛
三昧指有淨土爲歸向焉所謂念佛三昧者梵語
佛陀此云覺者自覺覺他覺行圓滿故名曰佛如
睡夢覺如蓮華開爲念有信返照回光淨念相繼
久久純熟惑盡障除一念不生前後際斷悟此覺
性內無能念之心外無所念之境能所兩忘生佛
無二故曰念佛梵語三昧此云正定謂思專想寂

神智明妙也。經云：若念佛者，當知此人則是人中芬陀利華。東晉遠公祖師，因聽彌天法師講般若經，豁然大悟，入於無量甚深三昧，遊止廬山，與高僧朝士結社修行。故云：諸教三昧，其名甚衆，功高易進，念佛爲先。因以白蓮名其社焉。師乃著念佛三昧序，蓋發揚此理也。天台智者判教，謂觀無量壽經爲大乘終實之教，以三觀澄心者，蓋顯念佛之旨也。法照尊者，禮文殊而求指，蓋指此法也。省常禪師結淨行社，宰相名卿，皈嚮同修者，蓋此道也。長蘆願禪師結蓮華勝會，感普賢普慧二菩薩入會，蓋證明此道也。慈照宗主，以本願力示現世間，發廣度心，引權就實，隨機化導，蓋欲令利根鈍根俱悟此道也。集白蓮職，開四土圖，以信行願爲資糧，以戒定慧爲樞要，蓋立此念佛正宗也。宋高宗御書蓮社二字，蓋崇此法門也。欽惟

大元普天一統諸國來朝人心樂善廬山東林禪寺東巖圓應日禪師欽奉

聖旨住持道場修營梵宇集諸賢傳乃追古而整宗

綱架大法橋名宗遠而開祖道一十八載提唱宗乘之外常以念佛三昧開導人天至元壬辰秋赴慶元路育王山廣利禪寺請而遜席于開先悅堂聞禪師相繼住持元貞元年正月述明居士燕覺道破衣和尚欽奉

聖旨賜白蓮宗善法堂護持教法元貞二年正月又欽奉

聖旨賜通慧大師白蓮宗主仍賜金襴袈裟於大德五年十月欽奉

聖朝頒降

御香金幡到寺自晉至今僅乎千載感斯恩耀遐方異域若賢若愚皆從化焉悉以齊心念佛仰祝皇帝聖壽萬安天下太平法輪常轉熙熙然舜日堯風卽此世界爲極樂世界也普度蓋叨釋裔無補教門嘗見稱蓮宗者未諳念佛旨趣棄本逐末著相修行淨業正因逮將沈沒皆是懷寶迷邦背真向僞從其事者紛如牛毛具正見者渺若麟角致令上慢之徒輕忽吾佛之道悲夫去古時遙法久

成弊正道湮微邪法增熾人多錯解墜入邪途不思淨土一門乃出輪迴之捷徑其直如絃其明如日奧旨在於經懺之間不遇明師啓迪猶若群盲摸象各說異端從冥入冥永纏邪見可痛惜哉矧今恭遇

佛心天子正法治世廼

君臣慶會之時政佛法流通之際得不以祖師念佛三昧開示人天用作將來眼目俾同悟入佛知見哉子乃翹心淨土探賸先宗編集要言目曰寶鑑照明真偽凡一十篇其首曰念佛正因謂入室必由戶也次曰正教乃示念佛法門漸偏頓圓使進修者隨根器而歸乎至道也又其次曰正宗蓋示念佛三昧正心之理俾修習者明其宗而達其本也又其次曰正派蓋明佛祖暨諸宗師得道之本末欲令後學知有其自也又其次曰正信正行正願俾信正法修正行發正誓而求生西方也次曰往生正訣蓋示臨終生淨土之路也次曰正報蓋明修行所得淨土依正之功德莊嚴也次曰正論

蓋引諸佛誠言破群邪異見欲令改不善而從善也非敢有助於宗風爲益於未聞者也欲其枉者直之邪者正之疑者決之迷者悟之盡大地人於一念中同得念佛三昧共證菩提不亦偉歟修淨業者無憾慈悲試一展卷見聞隨喜讚輔流通其如佛祖未出世一句子請高著眼

皆大德九年乙巳彌陀示相日江州廬山東林禪寺白蓮宗善法堂主僧優曇普度齊沐謹題

廬山蓮宗寶鑑綱目

念佛寶鑑叙

念佛正因卷第一

念佛正教卷第二

念佛正宗卷第三

念佛正派卷第四

念佛正信卷第五

念佛正行卷第六

念佛正願卷第七

念佛往生正訣卷第八

念佛正報卷第九

念佛正論卷第十

廬山蓮宗寶鑑目錄

第一卷

第二卷

- | | | | |
|----|--------------|----|--------|
| 一 | 念佛正因說 | 二 | 阿彌陀佛因地 |
| 三 | 彌陀釋迦本願因地 | | |
| 四 | 佛爲韋提希聖后說淨業正因 | | |
| 五 | 孝養父母 | 六 | 奉事師長 |
| 七 | 歸依三寶 | 八 | 發菩提心 |
| 九 | 受持戒法 | 十 | 慈心不殺 |
| 十一 | 修十善業 | 十二 | 深信因果 |
| 十三 | 讀誦大乘 | 十四 | 勸進行者 |
-
- | | | | |
|---|--------------|---|---------|
| 一 | 念佛正教說 | 二 | 佛爲父王說念佛 |
| 三 | 善財參見德雲比丘說念佛門 | | |
| 四 | 智首菩薩說念佛 | 五 | 龍樹大士說念佛 |
| 六 | 念佛功德有七種勝 | | |
| 七 | 修持法門 | | |
| 八 | 離相念佛三昧無住法門 | | |
| 九 | 天台念佛三昧三觀法門 | | |
| 十 | 空觀念佛三昧無念法門 | | |

第三卷

- | | |
|----|------------|
| 十一 | 日觀念佛三昧專想法門 |
| 十二 | 參禪念佛三昧究竟法門 |
| 十三 | 攝心念佛三昧調息法門 |
| 十四 | 一相念佛三昧專念法門 |
| 十五 | 六時念佛功德回向法門 |
| 十六 | 懺罪念佛功德繫念法門 |
| 十七 | 晨昏念佛功德信願法門 |
| 十八 | 簡徑念佛功德十念法門 |
| 十九 | 慈照宗主圓融四土 |
-
- | | | | |
|---|-------------|---|------|
| 一 | 念佛正宗說 | 二 | 定明宗體 |
| 三 | 念佛參禪求宗旨說 | | |
| 四 | 淨土非鈍根權說 | | |
| 五 | 真歇了禪師淨土宗要 | | |
| 六 | 寂室大師示淨土實見 | | |
| 七 | 大智律師示念佛事理不二 | | |
| 八 | 文法師淨行念佛宗要 | | |

第四卷

一 念佛正派說 二 遠祖師事實

三 遠祖師歷朝諡號

四 明教大師題遠祖師影堂記

五 廬山十八大賢名氏

六 貫休禪師題十八賢影堂詩

七 辨明遠祖師成道事

八 壁谷曇鸞大師 九 天台智者大師

十 京師善導和尚 十一 金臺法照大師

十二 睦州少康法師 十三 省常大師

十四 長蘆慈覺禪師 十五 永明壽禪師

十六 天竺慈雲懺主 十七 文潞公傳

十八 潞府宗坦疏主 十九 慈照宗主

二十 無爲子楊提刑

二十一 龍舒居士王虛中

二十二 儀眞王侍郎

第五卷

一 念佛正信說 二 斷疑生信

三 勸發信心

四 慈雲式懺主往生正信偈
五 智者大師淨土十疑論序
六 楊提刑直指淨土決疑序

第六卷

一 念佛正行說 二 修進工夫

三 資生助道 四 作福助緣

五 去惡取善 六 拔濟幽趣

七 放諸生命 八 六度萬行齊修

九 維摩大士示淨土八法

十 較明修行難易

十一 天台示淨土忻厭二行門

十二 淨業道場 十三 自行化他

十四 以事檢心

第七卷

一 念佛正願說 二 勸發大願

三 慈照宗主示念佛人發願偈并序

四 求生淨土要在發願

五 善導和尚修行發願儀

- 六 白侍郎發願求生淨土文
- 七 馮濟川施經發淨土願文

第八卷

- 一 念佛往生正訣說
- 二 父母臨終往生淨土
- 三 臨終三疑 四 臨終四關
- 五 臨終決疑撮要
- 六 僧濟臨終注想西方
- 七 善導和尚臨終往生正念文
- 八 化佛來迎
- 九 賢首菩薩臨終讚念佛偈
- 十 情想多少論報高下
- 十一 臨終善惡感報優劣
- 十二 臨終十事不尅念佛勉勸預修

第九卷

- 一 念佛正報說 二 功德莊嚴
- 三 淨土增修聖果 四 淨土三十益
- 五 淨土成佛

第十卷

- 一 念佛正論說 二 西方彌陀
- 三 眞如本性 四 辯眞妄身
- 五 辯明三寶 六 辯見聞覺知
- 七 破妄說災福 八 辯明空見
- 九 辯一合相 十 辯明雙修
- 十一 辯明三車 十二 辯明三關
- 十三 辯明大小二乘 十四 辯明不生不滅
- 十五 辯明曹溪路 十六 辯明法隱藏
- 十七 辯明超日月光 十八 辯明警中珠
- 十九 辯明無漏果 二十 辯明趙州茶
- 二十一 辯明教外別傳
- 二十二 辯關閉諸惡趣門開示涅槃正路
- 二十三 辯明四生 二十四 破妄立十號
- 二十五 誓願流通

名德題跋

明州天童長老東岩和尚跋語
廬山白蓮宗主悅堂和尚跋語

西峯及庵和尚信公長老跋語

大慶壽寺都總統西雲和尚跋語

饒州薦福長老月礪和尚跋語

姑蘇幻住禪庵中峯和尚跋語

荊岑普賢接待院不會禪師跋語

天峯祐禪師跋語

翰林承旨張疇齋題跋

廬山無住和尚跋語

天台石橋和尚跋語

僧錄司左善世兼天界善世禪寺住持雪軒和尚

序

僧錄司右闡教兼錄山靈谷禪寺住持幻居道者

淨戒後序

廬山蓮宗寶鑑目錄終

廬山優曇寶鑑念佛正因卷第一

○念佛正因說一

蓋聞恒河沙數衆如來彌陀第一十方微塵諸佛利
極樂是歸至理本祇唯心初門必由因地故知合抱
之木發於毫芒千里之行始於初步欲超生死以淨
土爲歸趣之方將證涅槃故念佛乃正心之要深信
極樂真解脫之妙門諦想彌陀實衆生之慈父先明
落處故望果以修因漸履玄途是從因而至果故知
集群賢而結社有其旨焉專念佛而勸人興其教也
因該果海果徹因源形直無不影端聲和自然響應
勢至示證圓通之要世尊說修淨業之因從聞思修
登三摩地憑信行願入法界門是以一念興而萬靈
知信心生而諸佛現纔稱寶號已投種於蓮胎一發
菩提卽標名於金地有緣斯遇自悟自修淺信不持
大愚大錯故云一乘極唱終歸獲至於樂邦萬行圓
修最勝獨稱於寶號八十億劫之重罪廓爾煙消十
萬億刹之遐方倏如羽化想念專注卽觀心而見佛

身心境交參即因門而成勝果十方淨穢卷舒同在
於毫端一性包融浩博該羅於法界是則諸佛與衆
生交徹淨土與穢土冥通彼此互收事理無礙若神
珠之頓含衆寶猶帝網之交映千光我心既然生佛
同爾是知遊神億刹實生乎自己心中孕寶九蓮豈
迷於剎那際內二乘賢輩回心即達於金池五逆凡
夫十念便登於寶界嗟乎識昏障重信寡疑多貶淨
業爲權乘唯誦持爲麤行豈非耽溺火宅自甘永劫
之沉迷悖悞慈親深痛一生之虛喪須信非憑他力
截業惑以無由不遇此門脫生死而無路誓同諸佛
敢儆前修勸勉後賢深崇此道已發願今發願當發
願事事而回向彌陀若已生若今生若當生念念而
皆歸淨土欲取一生事辦便於這裏留心一切時中
千車合轍四威儀內萬善同歸齊登極樂妙門速成
念佛三昧最初一步要分明直至西方無異路

○阿彌陀佛因地二

鼓音王經云過去劫中有國名妙喜王名憍尸迦祖
父清泰國王父月上轉輪王母殊勝妙顏生三子長

日月明次曰憍尸迦三曰帝衆時有一佛出世名曰
世自在王憍尸迦心發道意棄捨國位投佛出家號
曰法藏比丘又大彌陀經云法藏比丘於世自在王
佛所發無上意一切世間無能及者時佛說二百一
十億諸佛刹土應其心願法藏稽首禮佛廣說四十
八願云云本經具載若不爾者誓不成佛是時大地震動
天雨妙華空中同聲讚言決定成佛

○彌陀釋迦本願因地三

悲華經云往昔劫中有轉輪王名無諍念大臣寶海
爲善知識同於寶藏佛所發菩提心無諍念發願云
我修大乘取於淨土終不願於穢土成阿耨多羅三
藐三菩提提世界衆生無諸苦惱我不得如是佛刹爾
乃不成正覺今既果滿號阿彌陀故現淨土寶海大
臣願於穢土成熟有情今已果滿號釋迦牟尼於此
濁惡世中成佛菩提

○佛爲韋提希聖后說淨業正因四

觀無量壽佛經云爾時韋提希號泣向佛白言世尊
惟願爲我廣說無憂惱處我當往生不樂閻浮濁惡